



امور داخلیه

بجز تعالیٰ حضرت تری عمر و اقبال حضرت شهنشاهی بی روز افزون
 بیورسون مجددیت سنی شاهانه و عقل فلاطون پسند پادشاهانه لری
 اقتضای سنجه دائمی ادخیریت اعتیاد ملوکانه و همت بلند رتبت تاجدارانه لری
 خصوصیات خبریه و امور نافعه به معظوف و مصروف اولدیی مثللو بعض
 دول فحیمه زدیته تعیین سفرا بیور مقصد معالی نمود خلافتناهی لری
 دخی هم قواعد دولیه دن اولدیغی اوزره دول مشارالیم ایله تأیید دوشستی
 وموالات وتشبید روابط ود ومضافات بیور مق و هم خدمت سفارته بولسان
 یتدکانه کسب معلومات ایتدرمک نیت عالییه سندن عبارت اولوب حالا امور
 خارجیه نظارت جلیله سنه رتبت افزا اولان دولتلو مصطفیٰ رشیدیک
 افندی حضرت تری مقدمه فرانسه و بعده انگلزه دولتلری زدیته وایدن
 مشیری عطفوتلو احد ققی پاشا حضرت تری دخی اوستریا دولته سفارت
 خدمتده بولندقلرندن طوغریسی ایکبسی دخی غیرت ایدرک فرانسه لسانی
 واور و پانک هر بر اصول لازمه سنی تحصیل چالشمس ایسه زده مشارالیم
 حضراتنک برمدتجک دها اور و پاده بولملری تقدیرنده هر وجهه اکیال
 معلومات ایدیه جکلری ووقوف سابقلری جهتله مدت اقامتلرنده امور سفارتی
 دخی لایقینه اداره ایلیه جکلری نزد معالیوفد حضرت شهریاریده ثابت
 و متین اولقی حسبیه مشارالیمادان خارجیه نظری مشارالیه حضرت تری
 سایه شوکتویه جناب تاجداریده حائر اولدیغی مشیرک عنوان جلیلی
 وزارت رتبه عالییه سنه دخی شامل ایسه ده شجه فحیمه چاکر پروری
 و عنایتکسری جناب تاجداریه مبتغاسنجه ناظر مشارالیه حضرت تری حقنه
 لامع الانوار اولان نیر توجهات مکارم آیات حضرت جهانبانی برقاندخی
 اشعه نثار اوله رق بودقه عواطف مالانهای جناب کتی ستانیدن کندوسنه
 پاشالق عنوان والاسی دخی احسان ویکان خارجیه نظارتی عهده سنده
 اولقی ومدت عیابنده امور نظارت رجال دولت علیه دن حالا خارجیه مستشاری
 سعادتلو نوری افندی معرفتیه رتبت اولقی اوزره بیوک ایلمجلیک ابله
 فرانسه دولتی زدیته ماموریتی امر وفرمان بیوریلوب مشارالیه ققی پاشا
 حضرت تری عهده سنده بولسان ایدین ابالتی مشیرلکی دخی کافی السابق ابقا ابله
 طرقلرندن قائمقام ابله اداره قلمق اوزره مشارالیه حضرت تری دخی لوندره
 سفارتنک احاله سی خصوصیه اراده سنیه حضرت ملکداری متعلق بیورلس
 اولدیغندن اشو ذی القعدة الشریفه نک ایکنجی کونی حضور صدراعظمیه
 ایکبسنک دخی مامور تری اجرا و اعلان اولنه رق بویکیفیت دخی مشارالیم
 حققرنده عنایت عظمیه واونه دنبر و نائل ومستغرق اولدقلری الطاف سابقیه
 علاوه فائقه اولغله مواظبی اولدقلری دعوات خبریه حضرت پادشاهی بی
 تکرار ایتکده درلر وشمیددن تدارکات سفریه لریک تنظیمه شروع

و مباشرت برله بمنه تعالیٰ اول بهاره طوغری ماموریت جدیدیه لری جائینه
 عزمتلری مصمم اوله رق بمنه تعالیٰ وقت حرکت قدر امور خارجیه نظری
 مشارالیه حضرت تریک ینه شمیدکی کبی مصالح نظارتی بالذات رتبت ایدیه جکی
 مثللو مشارالیه ققی پاشا حضرت تریک دخی همان شمیددن منصبی جائینه
 کیدوب یکری اوتوز کون قدر اقامتله اورانک اخصوصاتی بولنه قویه رق
 بعده بوطرفه عودت ایلمی اراده سنیه اقتضاسندن اولغله مشارالیه
 همان حرکت وعزیمت ایتک اوزره بولمشددر وناظر مشارالیمک بمنه تعالیٰ
 پارسه وصولنه اقدر اوراده مصحتکذار اولان طلعت افتدینک ینه اجرای
 ماموریت ایدرک بعده بوجانبه عودتی لازم کله جکی مثللو الحاله هذه سفارته
 لوندرده بولسان رجال دولت علیه دن سعادتلو صارم افتدینک دخی کذلک
 خلفنک ورودینه قدر اوراده توقف واقامت وایفای خدمت سفارت ایلمی
 ایجاب ایدیه جکندن انلره دخی وصایای لازمه یازلمشدر

موارد عسکریه

جناب نظام بخشای جهان تزهت ذاته عن العجز والنقصان باعث انتظام عالم
 وسبب سایش کافه ام ولی نعمت بیحمتن شهنشاه داراخدم افتدیمز حضرت تری
 نوکمز عمر وعافیت احسانیه عساکر منتظمه شاهانه لری مانند انجم
 درخشان تکثیر وفران بیورسون آمین سایه عدالتویه حضرت جهانداریده
 بالجمه عیادک حصول کمال امن واسایش وراحتلری مجرد نظامات حسنیه
 وقوانین مستحسنة مجددا نلری آثار جلیله سندن اولدیغی جله عیادنده
 معلوم ومسلم وممالک محروسه شاهانه واستانه شوکت اشیانده مستخدم عساکر
 منتظمه ملوکانه نک نوبنو خدمات مبروره لری مشهود انام اولمقده و یونم
 جلیله نک تشکر یله یارب دعوات خیریه جناب خلافتناهی مرفوع بارگاه
 خداوند علام قلمقده اولدیغی وارسته قیدارقام ایسه ده افتاب جهانبانیدن
 ذره و یحریکراندن قطره مثللو بودقه وقوعبولان حسن حرکت واستقامت
 مقبوله وما رحق شناسی عسکریده دن اولقی اوزره عساکر منتظمه شاهانه
 الایترندن باب سرعسکریده اقامت اوزره اولوب قراوله مامور اولان میرلوا
 عثمان پاشا لوانسک برنجی الایندن درعلیه ده اقسرایده کائر قراوله مامور
 اولان ضابطان ونفرا تندن الای مذکورک برنجی طابورنک بشنجی بلوکنده
 برنجی اونباشینک دردنجی نفری زعفرانبوری سنجاخنه تابع یکیمجه قضا سندن
 یورطان قریه لی همت اوغلی احمد نام نفر درسعادتده اقسرای جاده سنده
 برکبسه دروننده درت عدد قرقلق و یوز التمشیدی عدد یکربلک وایکی
 عدد اونلق و یوز قرق اوج عدد اوچلک التونی ایله مصطفیٰ اسمنده برمه
 بولوب درعقب باب سرعسکری یه کتوروب بیوک ضابطنه اعطای وکیفیتی
 افاده وانبایتمش وجله وقوعات معلوم مکارملزوم حضرت خلافتناهی
 بیورلمق ایچون زورنالنک تقدیمی اصول نظام ثریا انتظامدن بولنش اولقی



ملاسه سبله تقديم قلنان وقوعات زورنالی منظور معالجوقور حضرت لاجداري
يوريلوب نفر مر قومك بوجهه صدق واستقامتي موجب محظوظيت عال
اوله دق نفر مر قومه عطيه سنيه شاهانه احسان وترقيع رتبه سي خصوصيه
امر وفرمان يورلمش اولديغدن نفر مر قومه حسب النظام شديك اونايشي
نشاني اعطا اولتمش وبلغ مذكور تاجر اصنافدن مسن واختيار مصطفي نام
كميسنه نك اولديغي استخبار اوله دق مر قوم باب سرعسكري به جلب ايله
بلغ مذكور حضور حضرت سرعسكريده بالعدد كندوسنه تمام تسليم
اولندقد زاید عمر اقبال شاهانه وتوافر عساكر منتظمه پادشاهانه ادعيه
فر بصد سني رفت درون ايله ياد وند کار ايلش وواقعا نفر مر قومك بوجهه
حرکتی شرع شريفه مطابق وبوجهتله تحسين واقربه لایق ونظام مستحسنه
موافق اولمغله همان جناب پروردگار شوکتاب کرامتصاب خلد ملکه
الی يوم الحساب افتدیمز حضرتلری کمال سرور وعافیتله سر پر شوکتصیر
ملوکانه زنده دائم وبرقرار وعساكر منتظمه شاهانه لری کون بکون مزاید
وبی شمار یورومق دعوات اجابت ایانی بتکرار یاد وند کار قلنش اولدیغی
صحیفه تقویم وقایعه دخی درج اولمشدر

سلسله ابالتدن مرتب ردیف عساكر منصوره طابوری عساكر منصوره
ترنجی اوزره اوج طابور اوله دق زینب وتنظیم وعلاوه سی اقتضایدن نفراتدخی
تحریر وترقیم اولدیغی وطابور مذکور یکباشی بولان مصطفي اغاوصاغقول
اغاسی اسمعیل بك وطابور مذکور ایکنجی یوزباشی حسین اغا غیرت ودرایت
اصحابدن بولندقلریدن فضله بالجمله عساكر واهالی مومی الیهدن خشنود
وراضی اولدقلری یانبله مومی الیهدن مصطفي اغا اشوتنظیم اولتمش اولان
سلسله ردیف الینه میرالای واسمعیل بك قائمقام وحسین اغا ترک برنجی طابوره
وحالا جعه عتیق اعیان درگاه عالی قیوجی باشلریدن مصطفي بك برادری
سعد بك مستقیم الاطوار اولدیغدن انك ایکنجی طابوره وایاطاغی وایساجی
اتهای حدود ابالتده بولندیغدن اولوالیدن مرتب نفراتك ضبط وربطی
خصوصیینه اعتنا ودقت ایلک اوزره اورازده بریوک ضابطلرینك بولنمی
ایجاب حالدن اولدیغدن وحالا ایساجی اعیان متوفی ایوب پاشا زاده
مراد بك حسن سلوك واستقامتدن وتعلیم وفعله کمال خواهش وارزوسی
بولندیغدن بمثلله میرمومی الیهك دخی اوجنجی طابوره یکباشی نصب وتعیینی
خصوصی سلسله ابالتی مشیری عهده وقلو سعید پاشا حضرتلری طرفندن
باتحیرات انها والتماس اولتمش اولوب ردیف عساكر الیبارینه نصبی
اقتضایدن بریوک ضابطانك برندن برینك عساكر موظفه شاهانه دن نصبی
قرار کیر اولان نظامی اقتضاسندن اولوق وپیاده عساكر منصوره میرلوارندن
داود پاشا لوانسك برنجی الینك الای امینی ابراهیم بك شجاع وجسور واداره
وقوماندۀ عسکریده غیرت واستقامتی بدیهی الظهور بولنوق حسبیه مومی الیه
ابراهیم بك اشوسلسله ردیفی الینه میرالای ومومی الیهدن مصطفي اغا
قائمقام واسمعیل بك برنجی طابوره وحسین اغا نك ایکنجی طابوره ومراد بك
دخی اوجنجی طابوره یکباشی نصب وتعیینی

واذنه ابالتدن مرتب ردیف عساكر منصوره الیبارندن برنجی الایک میرالای
بولان معمر بك بوددغه مجددا کشاد اوله دق میان توجهاً اکسیرایات
حضرت خلافتناهی ايله اكمال وتنظیم اولنقد اولان پیاده عساكر منصوره
طفوزنجی الینه میرالای تعین یورلمش اولدیغنه مبی میرمومی الیهك برینه برینك

میرالای نصب وتعیینی لازم کلس وطرابلس غرب جاتنده بولان عساكر
منصوره اونی الایک میرالای اولوب مقدمه ججه اسنادبله در علیه کوندلمش
اولان طوسون بك عهده اولان مجلس دیوان حریده قانوننامه همایونه
مغایر برکوه حرکتی ظهوره کلامش اولدیغی نین وتحقق ایلش اولدیغدن
مومی الیه طوسون بك سالف الذکر ادره ردیفی برنجی الینه میرالای تعینی
خصوصی بارعض سرعسكري خاکای همایون شاهانه دن استیذان
اولتمش وشرفستوخ وصدور یوریلان اراده سنيه حضرت ملوکانه موجبجه
مومی الیهك مأموریتلری حاوی اقتضایدن اوامر علیه اصدار وتسیار
وقلیچلرینك اعطاسنه ایتدار قلنشدر

میرلوا حیدر پاشا لوانسك برنجی الینك ایکنجی طابوری یکباشی همراه بولدن
مقدمه عساكر منصوره طفوزنجی الینه الای امینی نصب یورلدیغدن مومی الیهك
برینه لواء مذکورک برنجی الینك اوجنجی طابوری صاغقول اغاسی مصطفي اغا
یکباشی وعثمان پاشا لوانسك برنجی الینك اوجنجی طابوری یکباشی احدان
بولدن مقدمه الای مذکوره الای امینی نصب یورلمش اولدیغدن
مومی الیهك برینه عساكر بحریه برنجی الینك دردنجی طابوری صاغقول اغاسی
رفت اغا نك یکباشی ورشید پاشا لوانسك ایکنجی الینك اوجنجی طابوری یکباشی
مصطفي بك دخی قائمقام نصب یورلدیغدن میرمومی الیهك برینه طابور
مزبورک قول اغاسی محمد اغا نك یکباشی وعلی پاشا لوانسك برنجی الینك دردنجی
طابوری یکباشی علی اغا ارنحال داريقا ایلش اولدیغدن برینه طابور
مزبورک صاغقول اغاسی حسن اغا نك یکباشی نصب وتعیینلری

وعساكر خاصه شاهانه میرلوارندن اولوب مقدمه لوالنی رفع اوله دق
متقاعد بولان بکر بك عساكر منتظمه شاهانه سلکندن اخراج اولدیغی
کوندنبرو مبتلای حزن وملالت اولدیغی یسانبله کماکان استخدام اولوق
تضرعبله خلقه جنبان باب استعطاف واسترحام اولدیغدن وکندوسی
امکدار ودرایتکار بولندیغدن بوددغه حقتده عفو عالی ارزان یورلمش ایدوکنه
بناء ادره ابالتدن مرتب ردیف عساكر منصوره ایکي الای اولوب بر میرلوا
نصب وتعیین یورلمسی لازمه دن اولوق ومیرمومی الیه دخی فلیله بولنوق
ملاسه سبله سالف الذکر الیباره میرلوا نصی مناسب کورنمش ایدوکندن
اولوجهه اجرایی

ومیرلوا میرزا محمد پاشا لوانسك ایکنجی الینك برنجی یکباشی علی بك
بولدن مقدمه الای مذکوره قائمقام نصب یورلدیغدن الای مذکوره
بریکباشی نصب وتعیینی لازم کلس والای مذکور صاغقول اغاسی عارف اغا
درایتکار وفن تعلیمده مهارتی نمودار ایدوکندن ایکنجی یکباشی بولان برنجی
اولوق اوزره مومی الیهك الای مذکوره ایکنجی یکباشی تعینی تنسیب قلنش
اولدیغدن اولسایده جانب والای حضرت سرعسكري یدن تقديم قلنان
معروضات بهیه سرعسكري موجبجه خاکای همایون جناب ملوکانه دن
بالاستیذان مومی الیهدن اقتضا ایدنلره نشان وقلیچلرینك اعطاسیه
هر برینك مأموریتلری حاوی اوامر شریفه نك اصدار خصوصیینه
اراده سنيه حضرت شاهانه متعلق یورلمش ومنطوق منینی اوزره
اقتضای اجرا اولمشدر